

Հայ ժողովրդի համար այս ծանր փորձությունների ժամանակ մեծ կորուստ էր հայաբնակչության նահապետ, ակնավոր գիտնական-պատմաբան, ակադեմիկոս, պատմական գիտությունների դոկտոր, պրոֆեսոր, գիտության վաստակավոր գործիչ Սուրեն Տիգրանի Երեմյանի կյանքից հեռանալը։ Նրա ապրած կյանքը մի ամբողջ դարաշրջան էր։ Հայրենի պատմագիտության համար զոհվարին տարիներին նա կարողացավ անմար պահել հայ պատմագրության լավագույն ավանդույթները և ուժերի ներածին շնչով նպաստել հայոց հին և միջնադարյան պատմության հետազոտությանը ամուր հիմքերի վրա գնելու գործին։ Ակադեմիկոսներ Հակոբ Մանանդյանի, Նիկոլայոս Մառի և Հովսեփ Օրբելու մեծատաղանդ աշակերտը կարողացավ հիմնավորապես պահպանել և իր սաներին փոխանցել հայագիտության և արևելագիտության դասական ավանդույթները։

Սուրեն Տիգրանի Երեմյանը ծնվել է 1908 թ. ապրիլի 10-ին, Թբիլիսիում, արհեստավորի ընտանիքում։ Դպրոցում սովորելու վերջին տարիներին զրուցումներ Սուրեն Երեմյանի հակումները պատմության և պատմական աշխարհագրության նկատմամբ։ 1928 թ., ավարտելով միջնակարգ դպրոցը, նա ընդունվում է Երևանի պետական լսարանի պատմագիտական ֆակուլտետը։ Արդեն ուսանողական տարիներին զրուցում է Ս. Երեմյանի հետազոտական ձեռքը։ Ակադեմիկոս Հ. Մանանդյանը բարձր գնահատեց նրա դիտական առաջին աշխատանքը («IV դարի Անգրկովկասյան առևտրական ուղիները ըստ «Պետինդերյան քարտեզի»)։ Համալսարանում ուսանելու վերջին տարում Ս. Երեմյանը մասնակցում է հին Վաղարշապատի ձգնդամներին։ Գիտության նախադասում հատարած այս առաջին քննությունը անջնջելի հետք է թողնում իր համար։ Երեմյանի վրա, և հետագայում նա մեծ ջանքեր էր ցուցնում այդ տարիների իր տպավորությունների մասին։

1932 թ. Ս. Երեմյանը ընդունվում է նախնական խՍՀՄ ԳԱ Անգրկովկասյան մասնաճյուղի կովկասագիտական ինստիտուտի ասպիրանտուրան և իր ուսումը շարունակում ակադեմիկոս

Նիկողայոս Մառի մոտ 1935 թ. կովկասագիտության ինստիտուտի երիտասարդ մասնագետ Ս. Երեմյանը գործուղվում է Ս. Պետերբուրգ, ԳԱ արևելագիտության ինստիտուտ։ Նույն թվականին նա այստեղ հաջողությամբ պաշտպանում է «Փարթիի (Արևելյան Վրաստան) ֆեոդալական կազմավորումները մարզպանական շրջանում» թեմայով դիսերտացիան և



ստանում պատմական գիտությունների թեկնածուի գիտական աստիճան։ Երիտասարդ գիտաշխատող Ս. Երեմյանը հաջողությամբ իրականացրեց իրեն հանձնարարված Հայաստանի Աղվանցի պատմությանը նվիրված բաժնի շարադրանքը «ԽՍՀՄ պատմություն» բազմահատորյակի համար։

Գիտական աշխատանքին զուգահեռ, Ս. Երեմյանը Ս. Պետերբուրգում 1935 թ. սկսում է իր մանկավարժական գործունեությունը՝ պետական համալսարանի պատմության փոքրախմբի Ֆակուլտետներում դասախոսելով հայ ժողովրդի պատմություն։

Նախկին ԽՍՀՄ ԳԱ հայկական մասնաճյուղի ստեղծումով Ս. Երեմյանը 1941 թ. մար-

տին տեղափոխվում է Երևան և իր գիտական գործունեությունը կապում Հայաստանի ԳԱ պատմության ինստիտուտի հետ 1953 թ. նա պաշտպանում է դոկտորական դիսերտացիա «Հին Հայաստանի ստրկատիրական հասարակարգը» թեմայով, Բարձր գնահատելով Ս. Երեմյանի այս մենագրությունը՝ նշանավոր գիտնական, ակադեմիկոս Վ. Ստրուվին մասնավորապես նշել է. «Պատմական քարտեզագրությունը գիտության այն բնագավառն է, ուր Ս. Երեմյանը իրեն դրսևորել է որպես առաջնակարգ մասնագետ: Հայաստանի և Անդրկովկասի պատմական աշխարհագրության բնագավառի խոշորագույն մասնագետներից մեկն է նա, նրան են պատկանում Հայաստանի և Անդրկովկասի մյուս ևրկրների (Վիրք և Աղվանք—է. Գ.) պատմությանը վերաբերող բազմաթիվ քարտեզներ: Նրա հեղինակությամբ հրատարակված «Հայ ժողովրդի պատմության» պատմական ատլասը (Երևան, 1952) արժանի է բարձրագույն գնահատականի: Այդ ամենն արդյունք է լայն լափով նրա կիրառած՝ ինչպես պատմաաշխարհագրական, նույնպես և տնտեսաաշխարհագրական՝ տարածական երկվյթիների քարտեզագրման մեթոդի: Ս. Երեմյանը 1953 թ. ընտրվում է Հայաստանի ԳԱ Թղթակից-անդամ և ստանձնում պատմության ինստիտուտի տնօրենի պաշտոնը (1953—1959 թթ.): 1963 թ. նա ընտրվում է Հայաստանի ԳԱ ակադեմիկոս և 1965—1968 թթ. վարում ԳԱ հասարակական գիտությունների բաժանմունքի ակադեմիկոս-քարտուղարի պաշտոնը: Ս. Երեմյանը 1964 թ. միջին դարերի, իսկ 1971 թ.՝ հին դարերի պատմության բաժնի վարիչ էր պատմության ինստիտուտում: Այս տարիներին նրա գիտակազմակերպչական ջանքերի շնորհիվ պատրաստվել են հին հունարենին, ասորերենին, պարսկերենին, արաբերենին և ալլ լեզուներին տիրապետող երիտասարդ մասնագետներ, որոնք այժմ առաջատար դեր են խաղում հայ պատմագիտության մեջ:

Ս. Երեմյանը գիտահետազոտական աշխատանքի հետ մեկտեղ շարունակեց իր մանկավարժական գործունեությունը Երևանի բուհերում: Երևանի պետական համալսարանի, Ագոլյանի անվան հայկական մանկավարժական և Վ. Բրյուսովի անվան ուսական մանկավարժական ինստիտուտներում նա դասավանդում էր հայ և վրաց ժողովուրդների պատմություն և Հայաստանի պատմական աշխարհագրություն: Անգնահատելի են Ս. Երեմյանի ջանքերը երիտասարդ գիտական կադրերի պատրաստման գործում: Հայ ժողովրդի պատմության և կովկասագիտության տարբեր բնագավառներում նա պատրաստել է բազմաթիվ ասպիրանտներ ու դիսերտատներ, որոնք

այնուհետև պաշտպանել են թեկնածուական և դոկտորական դիսերտացիաներ: Ավագ և միջին սերնդի պատմագիտական կադրերից շատերը բախտ են ունեցել շփվելու նրա հետ, գիտական և կյանքի դասեր ստանալու նրանից: Ս. Երեմյանի գիտական մեծ հեղինակությունը լայն ասպարեզ էր բացում ինստիտուտի երիտասարդ կադրերի համար երկրի խոշոր գիտական կենտրոններում ուսումը և գիտահետազոտական աշխատանքը շարունակելու համար:

Հայագիտական փայլուն կրթության, կովկասագիտական խոր գիտելիքների և հին ու նոր լեզուների հիմնավոր իմացության շնորհիվ, Ս. Երեմյանը ծանրակշիռ ներդրում արեց հայոց հին և միջնադարյան պատմության հիմնահարցերի հետազոտության և գիտական մշակման գործում: Նրա գիտական հետազոտությունների շրջանակները մեծ ընդգրկում ունեն՝ սկսած հայ ժողովրդի ծագումնաբանությունից մինչև հասուն ավատատիրական հարաբերությունները: Գիտնականի ուշադրության կենտրոնում առանձնակի տեղ են զբաղել պատմական աշխարհագրությանը և քարտեզագրությանը վերաբերող խնդիրները:

Ս. Երեմյանը պատմական քարտեզագրության գիտական խնդիրների մշակման հիմնադիրն է Հայաստանում: Իր կազմած և հրատարակած հարյուրավոր քարտեզներում նա կենտրոնական տեղ է հատկացրել Մեծ Հայքի պետության տարածքին: Աշխարհի շատ պատմագիտական կենտրոններում հայտնի են նրա «Հայաստանը ըստ «Աշխարհացոյցի» մեծարժեք գիրքը և պատմական քարտեզները: Ս. Երեմյանի մանրակրկիտ աշխատանքի շնորհիվ Հայաստանը մանրամասնորեն ներկայացվեց առաջավորասիական պատմական տարածաշրջանային քարտեզներում, որով հայ ժողովրդի պատմական անցյալի տարբեր ժամանակաշրջաններին վերաբերող ուսումնասիրությունների արդյունքներն ավելի առարկայական դարձան: Հայ ժողովրդի հին և միջնադարյան բոլոր բնագավառները արտացոլվել են Ս. Երեմյանի ստեղծած պատմական քարտեզներում:

Պատմական քարտեզագրությունը, գործ ունենալով տարածքային հիմնահարցերի հետ, երբ հանդես է գալիս որպես մեկ կոնցեպցիայով զրված բազմադարյան պատմության արտահայտչամիջոց, հետադուրդի առջև քարտեզների դինամիկ շարք ստեղծելու հեռանկար է բացում: Ահա թե ինչու, Ս. Երեմյանի կազմած յուրաքանչյուր պատմական քարտեզ, անկախ լույս տեսնելու ժամանակից, շարունակություն է թեմատիկորեն և ժամանակագրորեն նախորդող քարտեզի: Պատմագիտության մեջ հայ ժողովրդի պատմության էրեմյանական կոնցեպցիան ներառում է դրա

բոլոր հիմնական փուլերը: Այդպիսի լայն ընդգրկումով է բացատրվում նրա ստեղծած քարտեզների բազմաթիվությունը: Գիտնականի հետազոտությունների ուղին, անցնելով մասնակից դեպի ընդհանուրը, կամրջում է իրարից հեռու գտնվող դարաշրջանները՝ ընդհանուր շղթայի մեջ գնելով պատմական երեվոյթներ: Քարտեզների միջոցով վավերացնելով Հայկական լեռնաշխարհում հայ ժողովրդի դարերի լուրջից եկող պատմությունը, Ս. Երեմյանը անհնարին է դարձնում հայոց պատմության կեղծարարների բոլոր ճիգերը: Գիտնականի ստեղծած քարտեզները, բռնելով ժամանակի քննությունը, լափանիշ են դարձել պատմական քարտեզագրության բնագավառում: Նրա հեղինակությամբ քարտեզներ են լույս տեսել «Հայկական ԽՍՀ ատլասում» (Վանի թագավորությունը և հարևան երկրները մ.թ.ա. VIII—VII դդ., Հայաստանը հելլենիստական ժամանակաշրջանում մ.թ.ա. III—I դդ., Հայաստանը I—IV դդ., Հայաստանը X դ. վերջին և XI դ. սկզբին, Հայաստանը մոնղոլական նվաճումների նախօրյակին, Հայաստանը Ռուսաստանին միավորվելու նախօրյակին (1785—1825) և այլն) (Երևան, 1961), «ԽՍՀՄ պատմության» ակադեմիական հրատարակությունում (Մոսկվա, 1966), «Հին Արևելքի պատմություն» ձեռնարկում (Մոսկվա, 1979):

Ս. Երեմյանը երբեք չի կարծել, թե իր ստեղծած քարտեզները վերջնական են և վերանայման կարիք չեն ունենա: Նուրբ ընկալմամբ զգալով գիտության զարկերակը և համընթաց գնալով գիտության զարգացմանը, նա իր յուրաքանչյուր հաջորդ քարտեզը, որը վերաբերում էր նույն թեմային, հազեցնում էր նոր տվյալներով ու հետազոտական արդյունքներով, կատարելով ճշգրտումներ ու սրբագրություններ: Այսպես, 1980 թ. Ս. Երեմյանը կրկին կազմեց ու հրապարակեց Վանի թագավորության քարտեզը, որտեղ արտացոլվել են հայագիտության և հնդեվրոպաբանության նորագույն տվյալները: Այդ քարտեզի առանձնահատկությունն այն է, որ, Վանի թագավորության ժամանակաշրջանից լրացի, բովանդակում է տեղեկություններ, որոնք վերաբերում են այն հնագույն ժամանակներին (մ.թ.ա. III—II հազարամյակներ), երբ տեղի էր ունենում հայ ժողովրդի կազմավորումը: Հիմնը վերջով Գ. Ղափանցյանի հետազոտությունների վրա՝ դեռևս 1952 թ. Ս. Երեմյանը գրել է՝ «Ներկայումս կարելի է ապացուցված համարել, որ Փոքր Ասիայի և Հայկական լեռնաշխարհի տարածքում հնագույն ժամանակներից

սկսած ապրել են հնդեվրոպական ընտանիքին պատկանող լեզուներով խոսող ցեղերը... Մենք հայերի ծագման պրոբլեմը պետք է ուսումնասիրենք պատմական այն պրոցեսի հիմնական երևույթների ֆոնում, որ տեղի է ունեցել Հայկական լեռնաշխարհում բնակվող ցեղերի շրջանում: Դա նախնադարյան համայնքի քայքայման և դասակարգային հասարակության ծագման շրջանն էր, երբ բարենպաստ պայմաններ էին ստեղծվել էթնիկական... խոլոր միավորումների զույգման համար, որը և վերջին հաշվով հանգեցրեց հայ ժողովրդի կազմավորմանը: Ս. Երեմյանը իր վերջին հետազոտություններում ավելի խոր համոզվածությամբ էր հակված շեշտելու, որ Հայկական լեռնաշխարհը, լինելով հնդեվրոպական ցեղերի ռեալիզացիայի հիմնական մասը, հանդիսացավ հայկական ցեղերի հայրենիքը:

Հայ ժողովրդի պատմության հին շրջանին վերաբերող՝ Ս. Երեմյանի հրապարակած քարտեզների հիմքում ընկած են բազմաթիվ ձեռագիր վիճակում գտնվող քարտեզներ, որոնք նրա քարտեզագրական լաբորատորիայի ոսկի ֆոնդն են կազմում: Միայն դրանց մի քանիսն թվարկումը կարող է պատկերացում տալ, թե ինչ ծանրակշիռ գիտական հիմքերի վրա էին ստեղծվում նրա՝ հրատարակման պատրաստվող պատմական քարտեզները: Հնդեվրոպական լեզուների տարածման շրջանը մ.թ.ա. IV—III հազարամյակներում, Հայկական լեռնաշխարհի ցեղագրական պատկերը մ.թ.ա. III—II հազարամյակներում, Հայկ նահապետի և նրա սեփականների բնակեցման վայրերը, Առաջավոր Ասիան մ.թ.ա. XVII—XVI դդ., Միտանիի պետությունը, Հայասա-Աղդին և հարևան երկրները մ.թ.ա. XV—XIII դդ., Արևելյան Միջերկրաքաղաքը մ.թ.ա. XIII—XII դդ., Մանա երկիրը և մերձավորյան շրջանները, Գամիրա երկիրը և այլն:

Իր ստեղծագործական կյանքի ընթացքում Ս. Երեմյանը մեծ եռանդով նվիրվեց Անանիա Շիրակացու «Աշխարհացոյցի» հետ կապված մանրակրկիտ ու երկարատև ջանքեր պահանջող աշխատանքին, Ս. Երեմյանը «Հայաստանը ըստ «Աշխարհացոյցի» գրքի և քարտեզի (Երեվան, 1963) հրապարակումից հետո ձեռնամուխ եղավ «Աշխարհացոյցի» սկզբնական բնագրի վերականգնմանը: Գիտնականի վերջնական նպատակն էր վերստեղծել բնագիրը և հրապարակել դրա հիման վրա կազմված «Աշխարհացոյցի» Աշխարհացոյցը՝ 15 քարտեզներով, որոնց ձեռագիր վերականգնված նմուշները նա արդեն պատրաստել էր:

Պաշտոնի և Անանիա Շիրակացու երկերի՝ Ս. Երեմյանի կատարած զուգահեռ քնն-

նությունը պարզեց, որ բացի քարտեզներից, հնարավոր է նաև վերականգնել VII դարում Անանիա Շիրակացու կազմած գլոբուսը: Հետաքրքիր է գլոբուսի վերականգնման մեթոդը, որը կիրառել էր Ս. Երեմյանը: Նա որպես և՛ լակետ ընդունել էր Արիստոտելի և Պտղոմեոսի Լուսնականություն ուսմունքից բխող երկրի զենդաձևությունը՝ դադարեցնելով, որին անվերապահորեն հետևել էր Անանիայի Շիրակացին:

Ս. Երեմյանի քարտեզագրական մեթոդը բյուզանդացի էր, նրա գիտաստեղծագործական լաբորատորիայում: Իր մշակած պատմաքարտեզագրական մեթոդով նա ստուգել է իր եզրահանգումները և արժարժված գրությունները, սյուրսիսավոր դարձնելով հետադոկտրինային հայտնադոկտրինային և ճշգրտումներ հայկական տեղանունների և դրանց տեղագրության, առևտրական երթուղիների, վարչաքաղաքական բաժանումների, միջպետական սահմանների որոշման և պատմաաշխարհագրական ալլ ընդհանուր հարցերի բնագավառներում: Հայ ժողովրդի հին և միջնադարյան պատմությունը հիմնական հիմունքներ օրինաչափորեն արտացոլվել են Ս. Երեմյանի ստեղծած քարտեզներում: Դրանց հիմքում ընկած են տեղական այն գրությունները, որոնք Ս. Երեմյանը մշակել է հին և միջնադարյան Հայաստանի պատմության ասպարեզում: Հայ հասարակության պատմության պարբերացումը, հին Հայաստանի հասարակարգի բնույթը, ավատատիրական դարաշրջանում սոցիալ-տնտեսական և հասարակա-քաղաքական դարձաշրջան ուղիները, ազդային-ազատագրական պայքարի էությունը և այլն:

Կովկասագիտության բնագավառում Ս. Երեմյանի ներդրումը պայմանավորված էր Հայաստանի, Վրաստանի, Ադվանքի, Բյուզանդիայի, Պարթևական և Սասանյան Իրանի ու կովկասյան ժողովուրդների ու ցեղերի պատմության նրա փայլուն իմացությունով: Տարբեր երկրների պատմության առանձին հանգուցային հարցեր Ս. Երեմյանը կարողանում էր լուսաբանել այնպես, որ հնարավոր է դառնում խո-

րությամբ ուսումնասիրել դրանց հետ առնչվող այն հիմնահարցերը, որոնք անմիջականորեն կապված էին հայագիտության հետ: Ս. Երեմյանի գիտելիքները վրացերենի և վրացագիտության բնագավառներում մեծագույնս նպաստում էին նրա կովկասագիտական պլանայիններին:

Ս. Երեմյանի պատմագիտական հետադոկտրինային արդյունքն են հարյուրից ավել հոգվածները և առավել ևս «Հայ ժողովրդի պատմություն» ութհատորյակի առաջին և երկրորդ հատորների (1971, 1984) համար գրված բաժինները և կազմած քարտեզները: Այդ հատորները լույս են տեսել Ս. Երեմյանի գիտախմբագրական ղեկավարությամբ:

Մեծ ուսուցիչ էր մեր սիրելի Սուրեն Տիգրանի Երեմյանը, նրա անսպառ գիտելիքներին հաղորդակից էին լինում ոչ միայն հայագետները, կովկասագետները, բյուզանդագետները, իրանագետները, ասորագետները, այլև բոլոր նրանք, ում թանկ էր և հետաքրքրում էր Հայոց պատմությունը և հայ ժողովրդի ճակատագիրը: Իր հեղինակությամբ և գիտելիքներով՝ նա երբեք չէր կաշկանդում և ճնշում իր աշակերտներին: Եռակ էր Սուրեն Երեմյանը իր շրջապատի հանդեպ, այնքան շուտ, որ իր թողած գիտական ձեռագիր ժառանգությունը՝ անհամեմատ գերազանցում է նրա հրատարակած աշխատություններին: Նա երբեք չէր մտածում ժամանակը հօգուտ իրեն ծառայեցնելու Թերևս, այս պատճառով նա իրենից հետո թողնեց շատ աշակերտներ և քիչ մենագրություններ, սակայն և մեծ թվով անտիպ գործեր:

Նորը վշտով բաժանվելով վաստակաշատ Սուրեն Տիգրանի Երեմյանից, ինձ մխիթարում է այն միտքը, որ նրա ազգանվեր մտավոր կարողության և մարդկային բարության մասին հիշողությունը միավորիչ ուժ կլինի մեր գիտական աշխատանքում: Հօգուտ հայագիտության և հայ ժողովրդի, որին նա անմասնորդ նվիրված էր մինչև իր կյանքի վերջին պահը:

Է. Լ. ԴԱՆԻԵԼՅԱՆ

Պատմական գիտությունների
դոկտոր